

允。乾隆五十九年现审案说帖

奴仆诬告家主虽得实亦治罪

雍正十三年九月二十三日总理事务王大臣奉上谕：本年恩诏赦款甚多，但奴仆告家主之案，名分攸关，情罪可恶，毋得援恩诏赦免。盖凡官民人等身蹈过愆，大干功令者，自然不能掩盖，且无人不可举首，断不容奴仆挟制短长，妄行首告而紊尊卑之定分也。嗣后遇有奴仆首告家主者，虽所告皆实，亦必将首告之奴仆仍照例重治其罪，尔等即交该部通行晓谕，永着为令。钦此。通行已纂例

奴仆挟嫌诬告家主占夺伊妻

河抚咨：关言诬告家主宝长裕占夺伊妻，将关言拟遣一案。查例载：家主将奴仆之妻妾妄行占夺，即将伊主发黑龙江当差，如伊主并无奸占情弊，而奴仆诬告其主者，即照干名犯义律从重治罪。又干名犯义律子孙告祖父母、父母，但诬者绞。若奴婢告家长与子孙罪同各等语。此案关言本系只身立契卖与宝长裕为奴，业已服役年余，是其主仆名分已定，嗣因欲窃主母房内银钱，被宝长裕闻知，不肯容留，虽给还文契责逐外出，而恩义未绝，名分尚存。该犯辄敢怀嫌捏造宝长裕霸占伊妻陈氏等情词诬控，准情定罪，自应将关言依奴仆诬告其主，照干名犯义本律拟绞，以正厥辜。该抚引凡人及卑幼诬告期功尊长加等治罪之条拟以发遣，与律殊未允协，应令另行妥拟，去后旋据遵驳，将关言改依奴婢告家长与子孙告祖父母、父母同，但诬即绞律拟绞立决。乾隆四十一年案 照平反节要录

雇工诬告家长更娶分居之妻

奉天司审办杨沈氏喊控李三与王邱氏同食鸦片烟等情一